



Ազդարարութեան Trumpet's Sound Փոռ

51-րդ ՏԱՐԻ, ԱՒՏՈՐԱԼԻՍ
ՄԱՅԻՆ - ՅՈՒՆԻ 2020



«ԱԶԴԱՐԱՐՈՒԹԵԱՆ ՓՈՂ»
երկամսյա հոգեւոր քերք

Պատասխանատու խմբագիր՝
հովի Հրաշ Գույուճեան

ACM AUSTRALIA
PO BOX 1593,
CHATSWOOD NSW 2057
EMAIL: hkiujian@acmaust.org
URL: www.acmaust.org



Բովանդակութիւն

Ինձմէ զատ ուրիշ աստուածներ չուսնենաս	3
<i>Հովի Հրաշ Գույուճեան</i>	
Սաղմոս 2	4
<i>Տռն Մրումքը</i>	
Մատթեոս 8:1-13	7
<i>Իսաքի Չափարևան</i>	
Քալել՝ մեր կոչումին վայել	10
<i>Վեր Հասպիս Ալամամի</i>	
Յուսոյ Աստուած	11
<i>Նէլլ Պորման</i>	
Կործանուած՝ թղթախաղի պատճառով	13
<i>Քաղուած</i>	
Հայ քրիստոնէական առաքելութիւն	15
<i>Հովի Հրաշ Գույուճեան</i>	

Կազմի մկարք՝ Ընտրուած:

Փառաբանութիւն / աղօթք

- Փառք տաճք Տէրոջը ամէն բաներու համար, քանի որ Անքարի է:
- Աղօթեցէք ԱՄՆ-էն Յայաստան հասած բեռնարկողի արագ բաշխման համար:
- Աղօթեցէք 19-րդ բեռնարկողի Յայաստան ապահով հասնելու համար:
- Աղօթեցէք նիւթական աջակցութեան կարիք ունեցող մեր հիւանդներուն համար:
- Աղօթեցէք մեր աշխատակիցներու համար մինչ կապ կը պաշտպանեն մեր բոլոր կարիքաւոր ընտանիքներուն հետ:
- Աղօթեցէք COVID 19-ով հիւանդացած մեր հայրենակիցներուն համար:

Ինծմէ զատ ուրիշ աստուածներ չունենաս

Առաջին պատուիրանը կ'ըսէ. «Ինծմէ զատ ուրիշ աստուածներ չունենաս»:

Այո՛, մենք փրկուած ենք եւ այլես հին պատուիրաններով չենք ապդիր: Բայց Յխուար չխախտեց ոչ մէկ պատուիրան: Պատուիրանները Աստուծոյ կողմէ մեզի տրուած հրամաններ են, որպէսզի կարողանանք իրեն հաճելի կեանքով ապրիլ: Այս պատուիրանները մեզի կը պահեն աշխարհէն ու չարէն:

Որպէս մարդիկ, մենք մեզի համար շատ աստուածներ կը շինենք. աստուածը բան մըն է, որը կը սիրենք եւ առանց ատոր չենք կրնար ապրիլ, անոր անհամբերութեամբ կը սպասենք, ան կը գրաւէ մեր միտքը եւ մեզ այլ բաներէ հեռու կը պահէ:

Արդեօք Աստուած առաջին տեղը կը գրաւէ[՝] ձեր կեանքին մէջ, թէ[՝] զբաղուած էք այլ բաններով եւ աստուածահաճոյ բաններու համար երբեք ժամանակ չունիք: «Երէ Ան ամէն ինչի տէրը չէ, ուրեմն Ան Տէր չէ»: Երէ Ան ձեր կեանքի առաջին տեղը չի զբաղեցներ, երէ Անոր մասին չէք խորհրդածեր, Աստուածաշունչ չէք կարդար, չէք աղօքեր, իրեն հետ չէք հաղորդակցուիր, Աստուածաշունչ չէք սերտեր, եկեղեցական ժողովներու չէք մասնկացիր, հոգեւոր բաններու համար ժամանակ չունիք, ուրեմն ձեր կեանքին մէջ այլ բաններ կան, որոնք առաջնային են ձեզ համար:

«Քու անձի աստուածպաշտութեան վարժեցուր» (Ա Տիմ. 4:7): Մեր կեանքին մէջ Աստուծոյ առաջին տեղը տալու համար ինքններս մեզ պէտք է մարզենք, մենք պէտք է ծրագրենք մեր օրը, աւելի ուշադիր քննենք այն բանները, որոնք զբաղ կը պահեն մեզ. աստոնք կրնան ըլլալ ձեր հանգիստը, զուարճութիւնները, սիրելի զբաղմունքները, աշխատանքը... եւ երէ ասոնցնով չափազանց զբաղուած էք, ուրեմն զգոյշ ենէր, որ ստրուկ շլատնար ու ձեր մէջը չտաք աստուածային բաննուն:

Կող. 3:2-ը կեանքիս մէջ շատ օգտակար եղաւ. «Վերին բանները մտածեցէք»: Ձեր անձերը աստուածահաճոյ գործերով զբաղ պահե-

ցէք, խնդրեցէք Տերոջը, որ ձեզ ծանրաբեռնի ծառայութեան համար, խնդրեցէք ձեր երեցներուն կամ հովիւներուն եկեղեցիին մէջ պարզ պարտականութիւններով գրքունեայ պահել ձեզ, օրինակ՝ եկեղեցիի սրահը մաքրելը, մէքենայով մարդկանց տուն հասցնելը եւ այլն: Դուք պիտի զարմանաք, թէ ինչպէս Աստուած հասարակ մարդուն կընայ վերցնել եւ Իր փառքին համար օգտագործել:

«Ինձմէ զատ ուրիշ աստուածներ չունենաս»: Եթէ Ան ձեր Աստուածն է, ուրեմն ձեր ամրող կարողութեամբ ծառայեցէք զինք լաւագոյն ձեւով, ծառայեցէք զինք առանց որեւէ վարձատրութեան ակրնկալիքի, քանի որ ձեր վարձատրութեան գանձերը Երկինքի մէջ պահուած են ձեզ համար:

Տերը օրինէ ձեզ:

Հ. Գ.

Սաղմոս 2

Կարդացէք 2-րդ Սաղմոսը

Պրոշ սաղմոսներ կոչուած են Մեսիական սաղմոսներ: Անոնք յըստակ կը մատնանշեն Տէր Յիսուսին: Նոր Կտակարանին մէջ այս սաղմոսները մէջքերուած են Յիսուսի մասին հրում ընելու համար: 2-րդ Սաղմոսը միանշանակ Մեսիական է. ան մէջքերուած է ինչպէս Գործը Առաքելոց գրքին մէջ, այնպէս ալ Երրայեցիս նամակին մէջ, ու երկու հատուածներուն մէջ կիրառուած են Տէր Յիսուսի համար: Ան կոչուած է Միածին Որդի, ով Սիօնի սուրբ լեռան վրայ օծուած է, որպէս Թագաւոր:

Սաղմոսերգիշը ժողովուրդները կը նկարագրէ՝ ըմբուտացած Տէր Աստուծոյ ու Անոր Օծեալին դէմ: Անմտութեամբ անոնք կը խորիին, թէ կարող են Մեսիային յաղթել. իրականութեան մէջ անոնք կը քալեն ամբարիշտներուն խորիրդով: Ազգերու իշխանները մէկտեղ խորհուրդ կ'ընեն ու իրենց դիրքերը կը հաստատեն Տէրոջը ու Անոր Օծեալին դէմ: Այս թագաւորները մեղաւորներու ճամբուն մէջ կը կենան: Անոնք նման են ծաղրողներու, ովքեր կը կարծեն, թէ կարող են կոտրել այս

կապերը, որոնցով կը դեկավարուին ու մէկդի նետել իրենցմէ Անոր լուծը:

Ազգերը միշտ պատկերացուցած են, թէ կարող են Աստուծոյ անտեսել կամ մերժել Անոր պատուիրաններուն հնազանդիլ: Մովսէսի ժամանակ փարաւոնը մերժեց Տէրոջը հնազանդիլ այնքան ժամանակ մինչեւ Աստուած դատաստանով ցոյց տուաւ Իր բազուկի մեծ զօրութիւնը: Ինը պատուիասներու ժամանակ փարաւոնը մերժեց հնազանդիլ բայց Աստուած խոնարհեցուց ու 10-րդ պատուիասով խստօրն պատժեց զինք: Նաբուգոդոնոսորը մտածեց, թէ ինքն իր ուժերով հասած է մեծ փառքի, բայց Աստուծոյ կողմէ պէտք է սորվէր, որ Երկինքի մէջ եղող Աստուածն է, ով կը բարձրացնէ որու որ կ'ուզէ ու կը խոնարհեցնէ անոնց, որոնց կ'ուզէ, երբ անոնք չեն ուզեր Իր հեղինակութեանը ենթարկուիլ:

Ամենակարողը պիտի ծիծաղի Իրեն հակառակողների վրայ: Ինչո՞ւ ոչնչութիւն եղող մարդու պիտի մտածէ, թէ կարող է դիմակայել Աստուծոյ կամքին: Երկինքի մէջ բնակող Աստուած մարդու գործերուն կը նայի ու արդարացի արհամարհանքով կը պատասխանէ անոր: Բայց Աստուած պարզապէս չի ծիծաղիր մարդու փորձերու վրայ, ով իրեն կ'ուզէ գերիշխան դարձնել: Ան խիստ գործողութիւններու կը դիմէ բոլոր անոնց նկատմամբ, ովքեր չեն ընդունիր Իրեն ու Իր Օծեալին: Ան Իր բարկութեամբ պիտի խօսի անոնց հետ եւ Իր սրտմտոթիւնով պիտի խռովեցնէ զանոնք: Ապագային, երբ նեռը փորձէ իրեն հաստատել որպէս աշխարհի գերիշխան, Աստուած պիտի դատապարտէ զինք ու այդ ժամանակ Քրիստոսը արդարութեամբ պիտի թագաւորէ այս աշխարհի վրայ:

Աստուած որպէս անհերքելի փաստ յստակ կ'ընէ, որ Ան Իր Թագաւորին օծեց Իր սուրբ լեռան՝ Սիօնի վրայ: Կասկած չկայ, որ օր մը Տէր Յիսուսը պիտի վերադառնայ Երկիր ու Իր հազարամեայ թագաւորութիւնը հաստատէ ամբողջ աշխարհի վրայ:

Մեր Տէր Յիսուսի մասին Աստուած ըստ «Դուն Իմ Որդիս ես: Ես այսօր քեզ ծնայ»: Տէր Յիսուս մարդ դարձաւ, կատարեալ կեանք ապրեց եւ քաչարար մահով մեռաւ: Այժմ Աստուած Իրեն ժառանգութիւն խոստացաւ. «Խնդրէ՛ Ինձմէ, ու հեթանոսները Քեզի ժառանգութիւն պիտի տամ, ու Երկրի ծայրերը՝ Քեզի ստացուածք»: Երբ Վեր-

ցընէ Իր ժառանգութիւնը, Ան ամբողջովին պիտի տապալէ Իր թշնամիներուն. «Զանոնք երկարէ գաւազանով պիտի կոտրես, բրուտի ամանի պէս պիտի փշրես զանոնք»:

Ո՞րն է սաղմուերգիչի խրատը: Այս աշխարհի թագաւորներուն ու դատաւորներուն խորհուրդ կը տրուի իմաստուն ըլլալ: Իմաստութիւն է վախով Տէրոջը ծառայել ու Իր առջեւ ակնածանքով ուրախանալ: Ծշմարիտ մեծարանքը պէտք է Որդիին տրուի. մենք պէտք է ընդունինք Անոր հեղինակութիւնը եւ անկեղծութեամբ ու երկրպագութեամբ ծառայենք զինք:

Որդիին անկեղծ մեծարանք տալու համար հիմնաւոր պատճառ կայ: Անոնք, որոնք կը մերժեն Որդին մեծարել, ստիպուած պիտի ըլլան Անոր բարկութեանը բախուիլ. անոնք պիտի կործանին, երբ Անոր զայրոյթը բորբոքի: Բայց օրինութիւն կայ բոլոր անոնց համար, ովքեր Անոր մէջ ապաստան կը գտնեն: Անոնք չեն բախուիր Անոր բարկութեանը, այլ կը փորձառեն Անոր մեծ բարութիւնը:

Սաղմոսի այս պատգամը ոչ միայն երկրի թագաւորները պէտք է լսեն: Շատ մարդիկ կը կարծեն, թէ կարող են Աստուծոյ անտեսել կամ ըմբռատանալ Իր դէմ՝ առանց որեւէ հետեւանք ունենալու: Բայց Աստուծած չի ծաղրուիր: Այն Բնչ մարդը կը ցանէ նոյնը պիտի հնձէ: Պիտի զայ օր մը, երբ Տէր Յիսուսին հնազանդիլ մերժողները ստիպուած ըլլան ծունկի զալ Անոր առջեւ: Խրաքանչիրիս համար կարեւոր է, որ հիմա հաւատարմօրէն յանձնուինք Տէր Յիսուս Քրիստոսին՝ Անոր ընդունելով որպէս Տէր ու Փրկիչ: Այդ ժամանակ մենք վստահ կը քննանք իմանալ, որ պիտի վայելենք Անոր յախտենական օրինութիւնները:

Տոն Սթորմը



«Ինչպէս եղջերուն ջուրի վտակներուն կը փափաքի, այնպէս ալ իմ անձս քեզի կը փափաքի, ով Աստուծած» (Սաղմոս 42:1):

Մատթէոս 8:1-13

Լեռան քարոզն աւարտելէն ետքը Յիսուսը լեռնէն վար իջաւ: Շատ մարդիկ, ովքեր հասկցան, թէ Յիսուսը նման չէ իրենց դպիրներուն եւ ուսուցիչներուն, սկսեցին հետեւիլ զԻնք: Այդ խումբին մէջ խումք մը մարդիկ կային, ովքեր իրենց խնդիրներով ու կեանքի փորձութիւններով դիմեցին իրեն (Մատթ. 8:2): Յուսահատ բորսու մըն էր, ով կը հաւատար, թէ Յիսուսը կրնայ զինք բժշկել, եթէ պարզապէս ուզէ այդպէս:

Քիչ անց ուրիշ մարդու մը կը հանդիսանք, ով բաւականաչափ վըստահ էր ու զիտէր, որ Յիսուսը կրնայ զինք օգնել: Ան նոյնապէս իր կեանքի հարցերով ու փորձութիւններով դիմեց Յիսուսին (Մատթ. 8:5-6): Այս մարդը այնքան հաւատը ունէր, որ զիտէր, որ եթէ Յիսուսը միայն խօսքով զրուցէր՝ առանց դիպչելու կամ մօս ըլլալու, ապա իր ծառան կը բժշկուէր:

Երկու պատմութիւններուն մէջ Յիսուսը բժշկեց մարդկանց: Իրականութեան մէջ Յիսուսը երկրի վրայ Իր ծառայութեան ընթացքին շատ նման իրաշըներ կատարեց. Ան մարդկանց յարութիւն առնել տուաւ, կոյրերուն աչքերը բացաւ, կաղերուն եւ խովերուն բժշկեց եւ այլն: Հարցը, որը յաճախ կը տրուի հետեւեալն է. «Արդեօք Յիսուսը կրնա՞յ այսօր բժշկել»:

Այս հարցին պատասխանը սա է. «Այո՛, Յիսուսը կրնայ բժշկել այսօր»: Աստուածաշունչը հիւանդներուն կը քաջալերէ, որ աղօքք ընեն (Յակ. 5:14): Այնուամենայնիւ, բժշկութեան մասին շատ սխալ հասկացողութիւններ կան այսօր: Շատեր կ'ըսեն. «Յիսուսը նոյնն է երէկ, այսօր ու յափառեան», ու կը պնդեն, թէ քանի որ Յիսուսը չի փոխուիր, ուրեմն ճիշտ այնպէս, ինչպէս Ան եւ առաքեալները բժշկեցին մարդկանց, այնպէս ալ իհման նոյնը կը կատարուի:

Ծիշտ է, Յիսուսը նոյնն է Իր աստուածային բնոյթով. Ան չի փոխուիր: Ան նոյնն է նաեւ Իր զօրութիւնով (ամենակարողութիւնով). Ան կրնայ մարդկանց բժշկել այսօր եւ կը բժշկէ ալ: Այնուամենայնիւ, Սուրբ Հոգիին ծառայութիւնը փոխուած է այն իմաստով, որ Ան այլեւս

չի միջամտէր մարդկային պատմութեան մէջ կամ Իրեն չի յայտնէր այնպէս, ինչպէս առաջ կ'ընէր: Աստուած անցեալին շատ բաներ ըլլաւ, որոնք իմաս չ'ընէր. արարչագործութիւնը. ջրհեղեղը, ուղղակիօրէն եւ բացայայորէն մարդկանց հետ խօսիլը, մարգարէներուն եւ առարեալմէրուն Իր խօսքերը գրել պատուիրելը... Քանի որ Աստուած աւարտեց Իր յատուկ յայտնութիւնը, Ան այլեւս չի խօսիր մարդու հետ՝ նոր բաներ յայտնելու համար, ինչպէս ոմանք կը պնդեն ըսելով. «Յիսուսը երազիս մէջ երեւցաւ ու ըսաւ այս կամ այն ընել»:

Աստուած տարբեր ժամանակներուն մէջ Իր նպատակներուն համաձայն տարբեր կերպերով գործեց մարդկային պատմութեան մէջ: Ահա թէ ինչու 7 տարուայ Մեծ նեղութեան ժամանակաշրջանը պիտի ըլլայ այնպէս, ինչպէս պատմութեան մէջ երբեւէ չկրկնուող իրադարձութիւն: Աստուած այնպէս պիտի ցուցադրէ Իր վեհութիւնն ու զօրութիւնը, որ անցեալի մէջ երբեւէ չէ կատարուած: Ան պիտի յայտնուի որպէս բագաւորներու Թագաւոր եւ տէրերու Տէր, եւ Իր զայրոյթը պիտի բավէ այնպէս, ինչպէս պատմութեան ընթացքին երբեւէ չէ եղած:

Հետեւարար, Աստուած այսօր կը բժշկէ հիւանդներուն, բայց ոչ այնպէս, ինչպէս Ան կամ առաքեալները ըրին, երբ աղօքքով, խօսքով կամ դիպչելով մարդիկ կը բժշկուիմ կամ նոյնիսկ մեռելներէն յարութիւն կ'առնէին: Աստուած այլեւս այդ կերպ չի գործէր: Իսկ ինչո՞ւ Յիսուսը նման իրաշըներ կատարեց (Մատթ. 8:4):

Այդ իրաշըները Իր ով ըլլալու վկայութեան համար էին, Ան Աստուածոյ Որդին է, Երկինքի ու երկրի Արարիչը: Յիսուսի իրաշըները վաւրացուցին Իր Անձի մասին Իր պնդումը (Յովհ. 2:11, Յովհ. 20:30-31): Առաքեալներու պատզամք նոյնպէս իրաշըներով ու նշաններով հաստատուեցաւ (Մարկ. 16:17-18):

Նոյնը ճշմարիտ է առաքեալներու պարագային (Մարկ. 16:20): Որո՞նք էին Մարկ. 16:17-18-ի նշանները: Երբ այդ վաւերացուեցաւ եւ յատուկ յայտնութիւնը ամբողջացաւ (Աստուածաշունչը), Աստուած փոխեց Սուրբ Հոգիի ծառայութեան կերպը: Իրականութեան մէջ ասիկա կը տեսնենք նաև առաքեալներու ժամանակ, ովքեր իրենց ծառայութեան աւարտին չկարողացան բոլորին բժշկել (Բ Տիմ. 4:20, Բ Կորնք. 12:7-9ա, Ա Տիմ. 5:23): Մենք պէտք է նաև հասկնանք, որ նոյ-

նիսկ Յիսուսի ծառայութեան ընթացքին ոչ բոլորը բժշկուեցան: Այնպէս չէ, որ աշխարհի բոլոր իհիանդ մարդիկ բժշկուեցան, երբ Տէր Յիսուսը երկրի վրայ էր (Յովհ. 5:1-9), ինչը ցոյց կուտայ, որ շատերէն միայն մի քանի հոգի բժշկուեցաւ:

Աստուած տակաւին կը բժշկէ այսօր: Երբ անձը իհիանդ է, ան պէտք է աղօթէ, եւ միւսները պէտք է աղօթն իհիանդներուն համար ու վրաստահնն Անոր կամքին ու ժամանակին, որպէսզի անձը բժշկուի: Այնուամենայնիւ, քանի որ այլեւս պատգամը կամ անձը վաւերացնելու կարիք չկայ, այլեւս նշաններու կարիք չկայ, քանի որ Աստուծոյ Խօսքն ամբողջական է եւ Աստուած այն յայտնած է այնքանով, որքանով պէտք է իմանանք: Հետեւաբար, այսօրուայ, այսպէս կոչուած «բժշկութեան ծառայութիւնները» եւ «բժշկողները» շատ անտեղին, կեղծ ու ոչ սուրբգրային են: Ահա թէ ինչու պէտք է Աստուածաշունչը կարդանք: Ի դեպ, կեղծ մարզաքները կարիք չունին ամէն ինչ սխալ ըսելու կամ ընելու: Եթէ անոնց ըսածի կամ ըրածի մէկ մասը սխալ է, ապա իրենք կեղծ ըսուցիչներ են:

Հաւատքի վերաբերեալ մէկ այլ սխալ մօսեցում կայ, որ մարդիկ յաճախ կ'ըսեն. «Կարենորը հաւատք ունենալն է», «Քանի դեռ ինչ որ քանի կը հաւատաս...», «Ես այսպէս կը հաւատամ», «Կարենը չէ, թէ ինչ կ'ըսես կամ ինչպէս կ'ըսես, քանի դեռ հաւատք ունիս» եւ այլն...:

Եկէ՛ք վերլուծենք Յիսուսի ըսածները: Ի՞նչ կը նշանակէ «... Ինչպէս դուն հաւատացիր» խօսքը: Ինչպէ՞ս եւ ինչի՞ն հաւատաց հարիւրապետը: Ան հաւատաց միայն Յիսուսին, եւ որ Անոր Խօսքը քաւարար էր բուժելու համար: Նոյնը ճշմարիտ է նաև բորբոքի պարագային: Անոնք Յիսուսի մասին սխալ կարծիք չունեին, իրենց հաւատքը իրենց հասկացողութեամբ չին մեկներ:

Անոնք հաւատացին Յիսուսին, որ Ան է Աստուծոյ Որդին, Աստուծոյ խոստացեալ Մեսիան: Անոնք ամբողջովին հաւատացին Յիսուսին, եւ որ Ան կարող էր իր բժշկել: Իրենց հաւատքի մէջ որեւէ սխալ քան չկար: Յիսուսը հաստատեց, որ անոնց հաւատքը ճիշտ էր, եւ քանի որ ճիշտ էր՝ Ան պարգեւեց անոնց խնդրանքը:

Հետեւաբար, ինծի եւ ձեզի համար կարեւոր է քրիստոնեութեան, հաւատքի ու փրկութեան մասին եղած բոլոր սխալ պատկերացումներն

ու թիւրլմբոնումները մէկ կողմ դնել: Այդ իսկ պատճառով շատ կարեւոր է Սուրբ Գիրքը կարող եւ ուսումնափրել, որպէսզի ճիշտ հաւատը ունենանք, ճշմարտութեանը հաւատանք (Բ Պետ. 3:18):

Ռաֆֆի Զավարեան

Քալել՝ մեր կոչումին վայել

Աստուծոյ Խօսքին մէջ «քալել» կը նշանակէ ապրելակերպ: Քալել Աստուծոյ ճամքուն մէջ կը նշանակէ Աստուծոյ հաճելի կեանք մը ապրիլ:

Պօղոս առաքեալ Եփես. 4:1-ի մէջ կ'ըսէ. «Ուստի կ'աղաչեմ ձեզի, ես որ Տէրոջը համար կապուած եմ, որ դուք այնպէս քալէք ինչպէս կը վայլէ այն կոչումին որով կանչուեցար»: Առաքեալը կոչ մը կ'ուղղէ եւ աղաչանք մը կը ներկայացնէ Եփեսոսի հաւատացեալներուն, եւ բոլոր դարերու քրիստոնեաներուն, որպէսզի անոնք իրենց կոչումին վայելու քալեն եւ ապրին:

Ապրելակերպերը զանազան են: Մարդիկ կ'ապրին իրենց տնտեսական եւ ընկերային կեանքի մակարդակին համեմատ: Իւրաքանչիւրս ունինք իւրայատուկ ապրելակերպ մը, որ կախեալ է զանազան տուեալներէ: Սակայն երբ հարցը կուգայ հոգեւոր կեանքի եւ ապրելակերպի, միայն մէկ ապրելակերպ կայ, այդ ալ մեր կոչումին վայել ապրիլն է:

Աստուծոյ Խօսքը կը յորդորէ մեզ կանչող Սուրբին պէս սուրբ ըլլալ: Ուրեմն մեր կոչումը սուրբ կեանք մը ապրիլ է: Յովհաննէս առաքեալ այդ ճշմարտութիւնը կը մնեկնէ եւ շատ պարզ ու հասկնալի բառերու մէջ կը դնէ. «Ան որ կ'ըսէ թէ Անոր մէջ կը բնակի, այնպէս պէտք է քալէ ինչպէս Անիկա (այսինքն Յիսուս) քալեց»: Սիաւասիկ յստակ եւ ըմբոնելի սուրբգրային ճշմարտութիւնը, թէ երէ կը վկայենք որ Յիսուս մեր մէջ կ'ապրի՝ կը պարտինք ապրիլ նման Յիսուսի:

Վեր. Հապիկ Ալաճաճի

Յուսոյ Աստուած

«Արդ՝ յուսոյ Աստուածը ձեզ լեցնէ կատարեալ ուրախութիւնով ու խաղաղութիւնով՝ ձեր հաւատքին համաձայն, որպէս զի ձեր յոյսը առատանայ Սուրբ Հոգիին զօրութիւնովը» (Հռովմ. 15:13):

Պօղոսը հիանալի կարողութիւն ունէր մեծ ու ճոխ ճշմարտութիւնները մի քանի քառով արտայայտելու: Հռովմայեցիներուն ուղղուած նամակի այս մէջբերումը ըստուածի վառ օրինակ է:

Ո՞վ է «յուսոյ Աստուած»-ը: Ան է, ով Իր բնոյթով ու գործերով փառաւոր ճակատագրի աղբիւրն ու գրաւականն է, որուն Աստուածոյ զաւակները վստահութեամբ ու եռանդով կրնան սպասել: Աշխարհային յոյսը ոչ աւելին է, քան դրական մտածելակերպը, քայց մեր յոյսը հաստատուած է յուսոյ Աստուածոյ վրայ:

«Արդ՝ յուսոյ Աստուածը...»: Այո՛, յուսոյ Աստուածը ով մեզ Իր հետ հաղորդակցութեան կը հրաւիրէ կ'ուզէ, որ ճշմարիտ ու կենդանի յոյս ունենանք: Հաւատքի պէս յոյսը կարեւոր է քրիստոնեայի կեանքին համար: Իրականութեան մէջ, Աստուածոյ հետ մտերիմ ըլլալու աստիճանը կրնանք չափել անձի սրտին մէջ եղած յոյսի չափով: Յուսոյ Աստուածոյն ճանչնալ կը նշանակէ յոյս ունենալ:

Սիրելի՝ Աստուածոյ զաւակ, արդեօր միայն այս կեանքի համար կ'ապրի՞ք: Արդեօք «Նովայի» նման էք, ով ընտրեց ներկայ առաւելութիւննը, թէ՝ Աքրահամի նման էք, ով յոյսով հաշուեց աստղերը: Աստուածոյ հետ հաղորդակցուելով եւ Անոր ճշմարտութեան լոյսի տակ մնալով մենք աւելի ու աւելի կը ձգտինք ու կ'ակնկալենք Անոր խոստումներուն կատարումը: Յարութիւնը մօս է, մեր յարութիւնը... երբ մահը պիտի պարտուի ու կեանքը ժայթքի, երբ մենք Անոր նման պիտի ըլլանք ու զինք տեսնենք այնպէս, ինչպէս որ է: Այդ օրը այս աշխարհն ու կեանքը իրենց բոլոր դժուարութիւններով ու ցաւերով պիտի դիտարկուին, որպէս երբեւ պատմուած ամենամեծ պատմութեան կարճ նախաբանը:

«Արդ՝ յուսոյ Աստուածը ձեզ լեցնէ կատարեալ ուրախութիւնով ու խաղաղութիւնով...»: Մեր յոյսը հաստատ է: Տէրը մեզ այժմ կը լեցնէ

ուրախութիւնով ու խաղաղութիւնով՝ հաւատքի միջոցով։ Հաւատքը սոսկ մի քանի ճշմարտութիւններու հանդէա մտար համաձայնութիւնը չէ։ Տեր Յիսուս Քրիստոսի հանդէա մեր ունեցած հաւատքը կապ կը ստեղծէ մեր ու աներեւոյք իրականութեան միջեւ։ Ինչպէ՞ս։ Սուրբ Հոգին կը կնքէ բոլոր անոնց, ովքեր Աստուծոյ սեփականութիւնն են, ովքեր կը խոնարհին Որդիին առջեւ, ովքեր իրենց անձերը կը խոնարհեցնեն եւ իրենց սիրուն ու կեանքը Անոր կը նուիրեն։ Մեր մէջ ներքնակող Սուրբ Հոգին է, որ մեզ կը միաւորէ Քրիստոսի հետ։ Ան կ'օգնէ մեզ տեսնելու եւ ճանչնալու Անոր գեղեցկութիւնը, զօրութիւնն ու բաւարարութիւնը։ Քրիստոս Յիսուսի միջոցով ձեռք բերուած փառահեղ ազատութեան եւ խաչի վրայ թափուած Իր արեամբ ձեռք բերուած հաշտութեան շնորհի մեր մէջ ուրախութիւն եւ խաղաղութիւն կ'առաջանայ։ Շատերը գուցէ պնդեն, թէ կը հաւատան, բայց անոնք չեն խոնարհիր, այլ Տէրոց առջեւ ուսքի կը կենան, կարծես թէ Իր հետ կ'ուզեն բանակցիլ։ Ասիկա փրկարար հաւատք չէ, ոչ ալ այնպիսի հաւատք մը, որը ինչ-որ մէկուն ուրախութեամբ ու խաղաղութեամբ կը լեցնէ։

«Արդ՝ յուսոյ Աստուածը ձեզ լեցնէ կատարեալ ուրախութիւնով ու խաղաղութիւնով՝ ձեր հաւատքին համաձայն, որպէս զի ձեր յոյսը առատանայ...»։ Պողոսը երկակի սկզբունքներու մարդ չէր։ Ան կը փափաքէր, որ հաւատացեալներու կեանքի իրաքանչիւր մար յոյսով շաղախուած ըլլար, որպէսզի անոնք ալ Աստուծոյ մեծ ծառաներուն պէս հոգեւոր հեռատեսութիւն ունենան։ Մանկական հաւատքով սկսած մեր հոգեւոր կեանքը կ'առաջնորդէ դէաի առատ յոյսի։

«Արդ՝ յուսոյ Աստուածը ձեզ լեցնէ կատարեալ ուրախութիւնով ու խաղաղութիւնով՝ ձեր հաւատքին համաձայն, որպէս զի ձեր յոյսը առատանայ Սուրբ Հոգիին զօրութիւնովը»։ Մենք երբեք հաստատուն յոյս չենք կրնար ունենալ դրական մտածելակերպի, երեւակայութեան կամ անձնական ջանքերու միջոցով։ Սուրբ Հոգին կը վերափոխէ մեզ, որպէսզի Աստուծոյ համար առանձնացած ըլլանք։ Փոխակերպութիւնը հաւատացեալի կեանքին մէջ Աստուծոյ զօրութեան ճշմարիտ ապացոյցն է։ Այն ինքն իրեն չի դրսեւորէր աշխարհի կամ աշխարհիկներու վրայ տպաւորութիւն ճգելու ամպազուզողու ցուցադրութիւններով։ Ասոր ապացոյցը Քրիստոսի եւ Անոր Խօսքին մէջ հետեւողականօրէն

մնալու վիճակն է, Անոր մեջ անսասան ուրախութիւն ունենալն է, անկոտրում հաւատարմութիւնն ու առաստ յոյսն է:

«Տէ՛ր, ապրէ՛ մեր կեանքին մէջ, լեցո՞ւր մեզ յորդացող յոյսով ու փառաւորք՝ Քո՞ւ անունդ»:

Նէյլ Պուրման

Կործանուած՝ թղթախաղի պատճառով

Երեկոյ մը երեք երիտասարդ աղջիկներ՝ սեղանի մը շուրջ նստած էին: Անոնցմէ մէկը՝ տրցակ մը թղթախաղի քարտեր ուներ: Ետիս՝ երիտասարդ մը կանգնած էր, որ այդ տան ընտանիքին անդամներէն մէկն էր: Մաքուր նկարագրի տէր երիտասարդ մը: Երիտասարդ աղջիկներ՝ զանազան առիթներով այդ տան մէջ կը հաւաքուին թղթախաղով զբաղելու մինչեւ կէս գիշեր: Ամէն անգամ աղջիկներէն մէկը կ'առաջարկէր երիտասարդին որ իրենց միանայ, բայց ան քաղաքավար կերպով կը մէրժէր: Այն աղջիկը որ կարենար համոզել այս երիտասարդը՝ մասնաւոր յիշատակութեան պիտի արժանանար՝ դժուար գործ մը գլուխ հանած ըլլալուն համար: Մինչեւ այդ իրիկում՝ որեւէ մէկը չէր յաջողած: Երիտասարդը կ'ըսէր թէ ուեւէ մէկը պիտի չկարենար զինք համոզելու: Գիտակից էր, որ թղթախաղը՝ կրնար բախտախաղի վերածուիլ, ու իր կործանման պատճառ ըլլալ:

Այդ իրիկուայ աղջիկներէն մէկը՝ ուզեց ինք ալ փորձ մը ընել: Բացառիկ գեղեցկութեամբ օժտուած գրալիշ աղջիկ մըն էր: Դառնալով երիտասարդին ըսաւ. «Այս խաղը չորս հոգիով կը խաղցուի, մենք երեք հոգի ենք, չե՞ս ուզեր մեզի միանալ որ շրջանակը ամբողջանայ»: Երբ տեսաւ որ երիտասարդը նպատակ չուներ միանալու, շարունակեց ու ըսաւ. «Միայն այս իրիկուն խաղցիր՝ ու անգամ մըն ալ մի խաղար»: Պարզ խօսակցութիւն չէր: Աչքեր, այսեր ու շրբունքներ՝ լիուլի կը գործակցէին առաւելագոյն չափով յարձակումը ազդեցիկ ընելու: Պահ մը վարանելէ յետոյ՝ երիտասարդը յօժարեցաւ: Ամրոցը որ մին-

չեւ այն օր եղած յարձակումներուն դիմադրած էր՝ անակնկալօրէն տեղի տուաւ: Անկէ յետոյ, իրիկունները՝ ուր որ հաւաքուին՝ այդ աղջիկը երիտասարդը իր հետը կը տանէր: Ժամանակ մը ամէն բան լաւ գնաց, բայց երիտասարդին վախը գլուխ եկաւ: Սկսաւ դրամի համար խաղալ: Գիշերներ կ'ըլլար, որ մինչեւ առտու սեղանին շուրջը նատած կ'ըլլար: Ժամանակ մը ետք վեճներական հիւանդութեան վարակուեցաւ: Քանի մը անգամներ որոշեց բոլոր մոլութիւններէն հրաժարիլ եւ իին օրերուն երրալ՝ բայց չկրցաւ: Մէկ հիւանդութիւնը միւսին առաջնորդեց: Դրացի հովի մը զինք այցելեց, ու երիտասարդը հետեւեալ խոստովանութիւնը ըրաւ. «Եղածէն տարբեր մէկը կրնայի ըլլալ, բայց շատ ուշ է: Համոզուած եմ, որ գերեզմանէն անդին ուրիշ աշխարհ մը կայ, ու երբ խորհիմ որ իմ մեղսայի կեանքիս համար արդար հատուցում պիտի ըլլայ ինձի՝ աննկարագրելի սոսկում մը կը զգամ»: Ասոնք վերջին խօսքերն եին: Գերեզման իջաւ 35 տարեկան հասակին մէջ: Երիտասարդ զգուշացիր:

«Երիտասարդը իմչո՞վ մաքրէ իր ճամփան: Քու խօսքի համեմատ անոր զգուշութիւն ընելով» (Սաղ. 119:9): «Որդեակ իմ, եթէ մեղաւորները քեզ զիսէ հանել ուզեն, դուն անոնց հաւանութիւն մի տար» (Առակ. 1:20):

Քաղուած՝ «Օրինաքեռ նոնենին» գրքէն

Գիտենք, ով Յայր, որ աշխարհի այս ձգնաժամային օրերուն, մենք Թեզի պէտք ունին: Պէտք ունինք Քու զօրութեանդ, առաջնորդութեանդ, Քու իմաստութեանդ: Լուծուելիք հարցերը մարդկային իմաստութեամբ չեն լուծուիր:

Քու իմաստութիւնդ ու զօրութիւնդ տուր անոնց որոնք առաջնորդի դերը վերցուցած են: Անոնք թող զգան իրենց անկարողութիւնը եւ Թեզ փնտուն: Անոնց պարկեշտութիւն, քաջութիւն եւ բարոյական նկարագիր տուր, որպէսզի խոստովանին իրենց անկարողութիւնը:

Մեզի Դուն առաջնորդէ, յիշեցնիր մեզի որ մեր Աստուածը ամուր վէմ է եւ ոչ թէ խրձիթ մը, ուր անհոգ կրնանք ապրիլ: Ան ուժի շտեմարան մըն է եւ ամէն ուրիշ զօրութիւն կը գերազանցէ:

Հայ քրիստոնէական առաքելութիւն

1998 թ.-ին խիստ ծանրաբեռնուած էի Հայաստան այցելելու համար: Սկզբը միայն ձմեռները կ'այցելէի. վեց անգամ այցելեցի ու ականատես եղայ զերոյէն ցած 35 աստիճանի: Այժմ 22 այց կատարած եմ: Իմ կոչումն էր՝ Աւետարանը հասցնել Հայաստանի աղքատներուն, երթալ այնպիսի վայրեր, որտեղ ոչ ոք չեր ուզեր երթալ ու տեսնել այնպիսի բաներ, որոնք ոչ ոք չեր ուզեր տեսնել:

Հայաստանն այսօր շատ տարրեր է, շատ առումներով մրցունակ է այլ երկիրներու հետ: Այսօր ոչ միայն հայերը կ'այցելեն Հայաստան, այլեւ աշխարհի տարրեր կողմերէն օտարազգի մարդիկ: Բայց եթէ ուշադրութեամբ քննենք խոլ փողոցները ու որոշ վակ դրսները, ապա կը հասկնանք, որ Հայաստանը աղքատ երկիր մըն է: Բնակչութեան 30%-ը աղքատութեան շեմէն ցած է:

Կը խնդրեմ մի՛ սիրեք երկիրը, այլ սիրեցէք ժողովուրդին, եւ հոգ տարէ՛ք անոնց մասին:

Ես կը փափաքէի, որ մարդիկ Հայաստան երթային ոչ թէ եկեղեցական շենքերը, գիւղերն ու յուշարձանները տեսնելու, համադամ կերակուրներն ու գինները ճաշակելու, տուն վերադառնալով՝ Հայաստանի որքան լաւ ըլլալը բոլորին պատմելու, այլ աստնացմէ աւելին ինէին: Ես կը խորիիմ, թէ մեր ըրածը բաւական չէ այս աղքատ ժողովուրդին օգնութեան ձեռք մեկնելու: Շատ պապիկներ ու մամիկներ կան, ովքեր կը պայքարին աղքատութեան դէմ, գումար, սնունդ եւ առողջարանութեան պարագաներ չունին: Անոնք բնակարանային սարսափելի պայմաններու մէջ ապրող անյոյս մարդիկ են: Երեխանները նոյն խնդիրներուն կը բախտուին. ճնշանը տաք հազուստ չունին, իրենց տուններն ու անձերը ձմեռուայ ցուրտէն տաքանալու հնարաւորութիւն չունին, տաք ջուր չունին, ամիսը մէկ անգամ ցնցուղ կ'ընդունին, դպրոց երթալու համար հազմելու կօշիկ չունին, դեղորայք չունին: Կան մարդիկ, ովքեր կը տառապին արեան բարձր ճնշումէ, մաղճաճարպէ կամ շաքարախտէ: Լաւ պայմաններէ պարզապէս զրկուած մարդիկ են:

Աստուածաշնչին մեջ կը կարդանք, որ «աղքատները միշտ մեղի հետ են». այն, ինչ կրնանք լնել, անոնց մասին հոգ տաճելն է:

Ո՛չ, հայերը ծոյլ չեն: Անոնք ծանր իրավիճակներէ ու հանգամանքներէ անցան՝ ցեղասպանութիւն, համայնավարութիւն, պատերազմ եւ երկրաշարժ: Նայեցէք Նիւ Եռքին ու տեսէք, թէ փողոցներուն մեջ քանի անօթևան կայ: Նայեցէք Աւստրալիային ու տեսէք, թէ բարեգործական քանի կենդրոններ կան, որոնք հոգ կը տանին Աւստրալիոյ աղքատներուն:

Բարեգործութիւնը կը սկսի այն ժամանակ, երբ կը սկսինք սիրել ժողովուրիխն: Անսական 100 ԱՄՆ տողարի աջակցութիւնը կրնայ օգնել աղքատներուն: Աղքատութիւնը մարդկանց կը նուաստացնէ, անոնցմէ արժանապատութիւնը կը խլէ ու թերսնուելու պատճառով երեխաներուն ֆիզիկապէս ու հոգեպէս անկայուն կը դարձնէ: Գիտերուն մեջ այսպիսի շատ մարդիկ կան: Ո՛չ, ասիկա թշնամիին ձեռքին գործը չէ. ասիկա մեզմէ իրաքանչիրիս ձեռքին գործն է:

Այդ իսկ պատճառով, մօտաւորապէս 22 տարի առաջ սկսեցինք Հայ քրիստոնեական առաքելութեան ժառայութիւնը, որ պէսզի Աւետարանը հասցնենք այն հեռաւոր գիտերը, որտեղ մարդիկ երբեւէ չեն լսած Աստուծոյ ու Յիսուսի մասին: Մենք սնունդ կը բաշխնենք, դրամական աջակցութիւն եւ բժշկական ծախսերու օգնութիւն կը տրամադրենք, հագուստի, կահերի, վարձավճարներու, կրթութեան եւ այլ կարիքներու համար օգնութիւն կը ցուցաբերենք: Բազմաթիւ հայկական եւ Աւստրալիական կազմակերպութիւններ, ինչպէս նաև անհատներ ծանօթեն մեր գործունեութեանը եւ ակտիորէն ներգրաւուած են անոր ծառայութիւններուն մեջ: Եթէ կ'առաջնորդուիք նոյնը ընել, կամ եթէ կը փափաքիք դրամական նույն ուղարկել, ապա կարող էք այցելել մեր կայքէջը՝ www.acmaust.org, կամ Էլ-նամակ ուղարկել մեզ՝ info@acmaust.org հասցեին: